

Zeitschrift: Il glogn : calender dil pievel : annalas per historia, litteratura e cultura romontscha

Band: 9 (1935)

Vorwort: Al lectur

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 08.02.2025

ETH-Bibliothek Zürich, E-Periodica, <https://www.e-periodica.ch>

Al Lectur

Car Glogn, cu tí eis naschius eras tí pignets e fallombers e tut carteva, che tí detties si il spért in bi dí e mondies ellas caglias. Gie, tí eras ton-danavon trébels, che buns amítgs e vischins han giu compassiun cun tía miseria e fatg amogna de pagar il caluster per las breigias, en cass ch'ei dessi in barett.

Mo plauntiu eis tí serefatgs e revegnius in techet, ed oz eis tí in frestg e curaschus mattet de 9 onns. Perquei drovas tí nuota stender il culiez; vegliadetgna persula ei negín meret e prestau has tí nuota tanientas mahoías. Denton, risguardau nies temps de miserías, sas tí silmeíns selegrar d'esser mitschaus culla veta, pertgei ch'ils pli emprems onns de tía veta eis tí staus in compogn malvesius e terríblas caussas malvegniūs. Buca sesmerveglia de quellas novítads! Perfin tiu aug, Gieri Giusep, il pign, ha de sias uras profetisau tía fin, e quei bunamein avon che tí entscheivies a dar las combas scoíauda. Teílda tgei lez ha scret avon siat onns en ina brev sur de teí: „... Il Glogn ei in affon illegítim dil romontsch e vegn speronza en cuort a dar cullas combas ensi. La cuolpa s'el sez. Pertgei ha'l buca priu per padrín gl'aug Mistral, ni l'onda Assístanta per madretscha? Sas tí buc, ch'ins sto haver cua ozildi sín tuts mauns, sch'ins vul viver e vegnir vinavon? Basta, quei buc emblida: Ti has fatg ina immensa tuppada de buca dumandar l'approbaziun dils „papas romontschs“, e perquei vegnas tí en cuort a vegnir scungíraus tochen giu funs gl'uffiern; sas giu leudém el tschaler de glatscha spel padrin dellas mattauns. Apage, apage, Satanás!“

Jeu hai stuíu rír sullas profezias e smanatschas digl aug Gieri, il pign, mo empau raschun ha'l tuttina giu. Ils emprems onns has tí giu de schuffa, mo ussa eis tí in frestg mattet de nov onns e buns sín comba. Tí eis pía vegnius sín quella vegliadetgna sín moda e maniera pauc enconuschenta e honorifica, ed has perquei negina raschun d'alzar la testa.

Mo jeu ví calar cun tía cuorta hística e dítgel a tí mo ton: „Va vínavon curaschusamein tía via ed hagies en égl nuot auter che la verdad, adína la verdad e la buna veglia de prestar zatgeí en uorden per patria e pievel e lu sas tí esser satisfatgs, era sche tí duessas daventar cheutras malvesius ed acquistasses il cuntrari della aschi desiderada vertid de tuttas publicaziuns: *popularidad*.“

Fas tí queí, sche vegnas tí a vegnir pli e pli fermis cun viver. Ed en cass de mort anetga, sas tí seconsolar cul pertratg, che negin stetti mal per tei. Sche va pia cun Díu e delectescha tut tes amítgs — ed era ils ínímitgs — va tier tuts en vitgs ed uclauns; gie, va è siden ellas aclas ed uclivas e peglias tí in catsch e vas alla finala tochen sisum las alps, jeu crei ualvess che la fumeglia betti tei ella fueína.

Uonn ei il Glogn fetg variants ed ha sedau breigia de porscher buna lectura. Ils colaboraturs ein per part ils vegls. Uonn ha ei dau ina pintga mo emperneívla mídada pertenent igl exteríur de nies Glogn. La nova scartira della cuviarta ei vegnida dessignada da sgr. *Gieri Cantieni* de Schlans. Nus essan segírs che quella vegn a plascher a tuts. Sur *P. Goldmann* ha rímnau scazis en Lumnezia cun tutta premura, e porschiu quels cun entusiasmus als lecturs e lecturas dil Glogn. Davos igl O grond sezuppa humilitéívlamein in poetin, ch'ei pér els ventgin, mo che vegn segiramein a daventar in poet, e che vegn era en cuort a delectar nos lecturs buca mo cun poesias, mobein era cun *novellas* ed outras lavurs. Sín el havein nus la pli gronda speronza, buca mo pil Glogn . . . Possi nossa profezia secomplenir !

Redacziun ed Ediziun.